

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 48/15
Sarajevo, 24.08.2015. godine.

ZAPISNIK
SA SJEDNICE UDRUŽENJA SUDIJA/SUDACA U FEDERACIJI BOSNE I HERCEGOVINE
ODRŽAN 24.08.2015. GODINE

Sjednica je održana u prostorijama Vrhovnog suda u Sarajevu sa početkom u 12:00 sati

PRISUTNI ČLANOVI US FBiH: Božana Banduka, Aladin Bajrić, Stjepan Mikulić, Mirjana Dević, Zuhdija Čosić, Jozo Anđić, Nedim Begić, Hakija Zajmović i Zdenka Filipović.

ODSUTNI ČLANOVI US FBiH: Jasmin Jahjaefendić (opravdano), Vildana Helić (opravdano), Šabić Mustafa (opravdano), Muhamed Kovač (opravdano), Amir Ahmetspahić (opravdano), Amra Muratbegović (opravdano).

DNEVNI RED

1. Organizovanja susreta svih ogranaka USFBiH.
2. Dopis upravnog odjeljenja KS Sarajevo (u vezi normi)
3. Dopis sutkinje Ivane Soldić (borba za jednakopravnost svih nositelja pravosudnih dužnosti)
4. Dopis sutkinje Munevere Avdić
5. Dopis ogranak kantona Sarajevo
6. Razno

Dnevni red usvojen bez primjedbi.

AD.1

Predsjednica Udruženja i sekretar Udruženja su upoznale članove predsjedništva sa aktivnostima koje su poduzete oko organizacije zajedničkog druženja članova udruženja 02-03.10.2015. godine na Vlačiću.

Članovi predsjedništva su dostavljene ponude hotela „Pahuljica“ i „Blanca“. Nakon razmatranja dostavljenih ponuda odlučeno je „*da radi povoljnije cijene i većih hotelskih kapaciteta druženja održi u hotelu „Pahuljica“.*

Predsjedništvo je odlučilo da se predsjednicima ogranaka dostavi još jedan e-mail, pošto su prijave za druženje bile u sezoni godišnjih odmora, da još jednom u

svojim ograncima upoznaju članstvo o druženja te ako ima još članova koji bi se volili prijaviti da spiskove dostave sekretaru Udruženja najkasnije do 14.09.2015. godine.

Predsjedništvo također ovlašćuje sekretara i predsjednika Udruženja da nastave aktivnosti oko organizacije druženja.“

AD.2

Na adresu Udruženja zaprimljen je dopis upravnog odjeljenja Kantonalnog suda Sarajeva (broj 0090SU14000667 od 09.06.2015. godine) koji je upućen VSTV-u BiH a povodom razmatranje norme na upravnom referatu Kantonalnih sudova utvrđen Pravilnikom o orijentacionim mjerilima za rad sudija stručnih saradnika u sudovima BiH.

Članovi predsjedništva su pročitali dopis. Nakon kraće rasprave jednoglasno je odlučeno da se podržava dopis upravnog odjeljenja Kantonalnog suda u Sarajevu koji glasi:

„Predsjedništvo Udruženja sudija/sudaca u FBiH podržava inicijativu upravnog odjeljenja Kantonalnog suda Sarajeva (broj 0090SU14000667 od 09.06.2015. godine) koji je dostavljen VSTV-u BiH, te ujedno predlaže da se i u ostalim oblastima preispita norma (kako je to i ranije dostavljeno VSTV-u) te da se izvrši normiranje svih predmeta koji nisu obuhvaćeni pravilnikom o orijentacionim mjerilima (mjere osiguranja). Također poziva se VSTV BiH da se očituje po zahtjevima upućenih od strane sudova i udruženja.“

Predsjedništvo Udruženja će ovaj zaključak uputiti VSTV-u BiH i upravnom odjeljenju Kantonalnog suda Sarajeva.

AD 3.

Na e-mail Udruženja je dostavljen dopis od g-đe Ivane Soldić sutkinje Općinskog suda u Mostaru.

Predsjedništvo se upoznalo sa tekstom dopisa u kojem g-đa Soldić traži potporu Udruženja za izmjenu odredbi Kriterija za ocjenu rada sudaca u BiH br. 06-08-4148/2012 od 28.11.2012.

Članovi predsjedništva su razmatrali dopis te je jednoglasno donesena odluka da se: *„Udruženje sudija/sudaca u FBiH na sjednici predsjedništva 02.04.2015. godine očitovalo ranije povodom vašeg dopisa i uputilo VSTV-u svoj prijedlog izmjena Kriterija za ocjenu rada sudaca u BiH (broj dopisa: 25-2/15 od 02.04.2015. dopis je upućen poštom VSTV-u BiH)“*

Predsjedništvo Udruženja smatra de će dopis koji je upućen VSTV-u doprinijeti u borbi za jednakopravnost svih nositelja pravosudnih dužnosti.

AD 4.

Na adresu Udruženja je zaprimljen dopis od sutkinje Općinskog suda Kalesija Munevera Avdić.

Predsjednica i članovi predsjedništva su pročitali dopis u kojem se g-đa Avdić žali da predsjednik njenog suda nije htio da joj isplati račun za smještaj na savjetovanju Neum 2015. koji je održan od 02-05.06.2015. godine.

Nakon rasprave donesena je odluka da se uputi dopis g-đi Avdić koji glasi:

„Predsjedništvo Udruženja sudija/sudaca u FBiH je razmatralo Vaš dopis i donesen je zaključak da Udruženje sudija/sudaca u FBiH nema nadležnosti o ovim stvarima. Iz dopisa se ne mogu vidjeti razlozi zašto Vam je predsjednik Vašeg suda uskratilo da isplati račun za smještaj na ovogodišnjem Neumskom savjetovanju, te smatra da je jedini način da riješi Vaš problem u komunikaciji sa predsjednikom i upravom Vašeg suda.“

Predsjedništvo Udruženja se nada da će te u komunikaciji sa predsjednikom i upravom Vašeg suda riješiti Vaš slučaj.

AD 5.

Na zahtjev člana predsjedništva ogranka Sarajevskog kantona g-dina Hakije Zaimovića razmatran je dopis ogranka Kantona Sarajevo koji je zaprimljen za sjednicu predsjedništva 15.06.2015. godine a kojoj g-din Zaimović nije mogao prisustvovati iz opravdanih razloga.

Članove predsjedništva g-din Zaimović je upoznao sa tekstom dopisa ogranka Kantona Sarajevo u cilju unapređenja rada udruženja.

G-din Zaimović je upoznao članove predsjedništva da su održana dva sastanka ogranka Kantona Sarajevo. Tražili su se razlozi rasipa članstva u ogranku Kantona Sarajevo. G-din Zaimović je prezentirao sve tačke dopisa koji je upućen predsjedništvu Udruženja.

Nakon prezentacije riječ je uzela predsjednica Udruženja koja je rekla da u njeno ime ona načelno podržava plan ogranka KS te predlaže da strateški plan o unapređenju rada udruženja sačini predlagač, i da dostavi predsjedništvu na razmatranje.

U diskusiju su se uključili i ostali članovi predsjedništva koji su iznijeli svoj stav i donesena je odluka.

„Predsjedništvo Udruženja sudija/sudaca u FBiH je saglasno da se podrži inicijativa za izradi i usvajanje strateškog plana ogranka Kantona Sarajevo i da se ovlašćuje ogranak Kantona Sarajevo da sačini prijedloge akata i da dostavi predsjedništvu na razmatranje a sve u skladu sa aktuelnim statutom Udruženja.“

Također je zaključeno da u drugim ograncima nema osipa članstva kao u ogranku Kantona Sarajevo i nema prijedloga i inicijativa o izradi strateškog plana iz drugih ogranaka jer u aktuelnom Statutu napisani strateški plan i ciljevi djelovanja Udruženja.“

G-din Zaimović je obavjestio da je planirano da se za izradu strateškog plana angažuju eksperti za izradu strategije i da predsjedništvo vidi kako bih se ti eksperti finansirali. Zaključak je da svaki ogranak ima svoja sredstva na raspolaganju po Statutu Udruženja te da svaki ogranak može raspolagati svojim sredstvima u skladu sa Statutom Udruženja i tako vršiti aktivnosti u korist ogranka.

AD 6.

Razno:

1. Predsjedništvo udruženje je zaprimilo zahtjev sekretara udruženja za isplatu regresa za 2015. godinu. Predsjedništvo Udruženja je donijelo

odluku da se sekretaru Udruženja isplati regres za 2015. godinu u visini od 400,00 (četiristotine KM)

2. *„Predsjedništvo Udruženja sudija/sudaca u FBiH inicira organizovanje statusne konferencije sa VSTV-om BiH i svim strukovnim Udruženjima na teritoriji BiH radi razmatranja položaja i statusa svih nositelja pravosudnih funkcija“*

Slijedeća sjednica predsjedništva je planirana oko 20-tog septembra 2015. godine.

Sastanak je okončana u 13:30 sati

**Predsjednica Udruženja
sudija/sudaca u FBiH
Božana Banduka**